

«ՄԱՐԴԿԱՅԻՆ ՌԵՍՈՒՐՍՆԵՐԻ ԿԱՌԱՎԱՐՄԱՆ» ՀԱՄԱԿԱՐԳԻ ՆԵՐԴՐՄԱՆ

Ծառայության մատուցման մրցույթին հայտերի ներկայացման հրավեր

Ծածկագիր՝ ICARE-AC/035/AM/22

1. Ագրոբիզնեսի հետազոտությունների և կրթության միջազգային կենտրոն (ICARE) հիմնադրամը (այսուհետ՝ Հիմնադրամ) հրավիրում է մասնագիտացված կազմակերպություններին՝ մասնակցելու հիմնադրամի «Մարդկային ռեսուրսների կառավարման» համակարգի ներդրման ծառայության մատուցման մրցույթին:
2. Հիմնադրամի գործունեությանը ծանոթանալու համար կարող եք այցելել Հիմնադրամի պաշտոնական կայք՝ www.icare.am:

Տվյալ հայտարարության բաղկացուցիչ մասերն են՝

Ա) Ծառայությունների մատուցման նկարագրությունը

Բ) Ներկայացվող հայտի բովանդակությունը

Գ) Հայտերի ներկայացման կարգը

Ա) Ծառայությունների մատուցման նկարագրությունը

Ակնկալվող ծառայությունը պետք է ենթադրի հետևյալ գործողությունները, սակայն կարող է չսահմանափակվել դրանցով՝

1. Ուսումնասիրել Հիմնադրամում առկա «Մարդկային ռեսուրսների կառավարման» քաղաքականությանը առնչվող փաստաթղթերը,
2. Հայերեն լեզվով մշակել և Հիմնադրամի հետ քննարկել «Մարդկային ռեսուրսների կառավարման» նոր քաղաքականությունը: Մշակված քաղաքականության փաստաթուղթը պետք է ներառի նվազագույնը հետևյալ բաժինները/ ենթաբաժինները՝
 - Ներածական մաս,
 - Աշխատանքային ռեժիմ և աշխատաժամանակ
 - Աշխատանքային հարաբերությունների կարգավորում,
 - Աշխատակիցների ընդունման (փորձաշրջան, անձնական տվյալների փաթեթ) և ազատման կարգը (նկատողությունների կարգ, ազատվող աշխատակցի փաստաթղթերի հանձման կարգը, այլն),

- Հայտարարությունների տեղադրման կարգ,
- Հարցազրույցների կազմակերպում, կադրերի ընտրություն և հավաքագրում (գնահատման թերթիկ, արձանագրություն, արխիվացում)
- Անձնակազմի կառավարում,
- Անձնակազմի արդյունավետության գնահատում (ընթացակարգեր, գնահատման թերթիկ, այլն),
- Մոտիվացիա և վարձատրություն (աշխատավարձ, պարգևավճարների համակարգ և այլ վճարներ),
- Ուսուցում և զարգացում,
- Թիմի կառուցում, կորպորատիվ միջոցառումներ,
- Գործուղումներ, օրապահիկի վճարման չափ,
- Փաստաթղթերի արխիվացում, տեղեկատվության փոխանակում (աշխատակազմի հանդիպում, էլեկտրոնային նամակագրության համակարգ),
- Սոցիալական պատասխանատվություն,
- Գենդերային / գենդերազգային քաղաքականություն, սոցիալապես խոցելի խմբեր,
- Կազմակերպության շրջակա միջավայրի պահպանության սկզբունքներ,
- Առողջության ապահովագրության կարգ,
- Էթիկայի կանոններ,
- Շահերի բախում,
- Աշխատավարձերի վերանայում՝ կախված աշխատակցի կատարողականի գնահատումից, ինչպես նաև արտաքին գործոններից, օրինակ՝ գնաճ,
- Այլն:

3. Իրականացնել հիմնադրամի բոլոր աշխատակիցների համար մեկօրյա վերապատրաստում՝ ներկայացնելով նոր մշակված ՄՌԿ քաղաքականությունը:

Բ) Ներկայացվող հայտի բովանդակությունը

Մասնակիցը իր հայտում պետք է ներկայացնի հետևյալ տեղեկատվությունը՝

1. Տեխնիկական առաջարկ, ներառելով հետևյալ ենթաբաժինները՝

- առաջարկվող ծառայությունների շրջանակում իրականացվելիք գործողությունների կատարման փուլերը և նկարագրությունը,
- նոր մշակվող «Մարդկային ռեսուրսների կառավարման» քաղաքականության առաջարկվող բաժինները/ենթաբաժինները (որպես օրինակ պետք է հաշվի

առնել վերոնշյալ թեմաները, վերջնական բովանդակությունը կքննարկվի ICARE հիմնադրամում առկա քաղաքականությունը ուսումնասիրելուց հետո) և դրանց հակիրճ նկարագրությունը,

- ընկերության պորտֆոլիոն`
 - վերջին 3 տարիների աշխատանքային փորձը (պատվիրատուի անվանումը, նմանատիպ աշխատանքի նկարագրությունը, ժամանակահատվածը, անհրաժեշտության պարագայում այլ տեղեկատվություն),
 - առաջարկվող ծառայությունը մատուցող փորձագետ(ներ)ի ինքնակենսագրական(ներ)ը:
- Աշխատանքների կատարման ժամանակացույց` ծառայությունների մատուցման ակնկալվող սկիզբ, ավարտ, գործողությունների պլան` ըստ շաբաթների,

2. Ֆինանսական առաջարկ, ներառելով բյուջեի ձևավորման մանրամասն տողերը: Ծառայությունների մատուցման ընդհանուր արժեքը պետք է պարունակի բոլոր հարկերը: Եթե կազմակերպությունը հանդիսանում է ավելացված արժեքի հարկ (ԱԱՀ) վճարող, ապա ընդհանուր բյուջեն պետք է ներկայացնել առանց ԱԱՀ:

Գ) Հայտերի ներկայացման կարգը

Հայտերը պետք է ներկայացնել հայերեն տարբերակով: Հայտերը պետք է ներկայացվեն թղթային տարբերակով փակ կնքված և ստորագրված ծրարով` մինչև 2022թ. հուլիսի 27-ը, ժամը 18:00 ք. Երևան, Տերյան 74 հասցեով: Նշված ժամկետից հետո ստացված հայտերը չեն մասնակցելու հայտերի բացմանը, որը տեղի կունենա 2022թ. հուլիսի 28-ին, ժամը 11:00-ին Հիմնադրամի գրասենյակում:

Դիտարկվելու են միայն այն հայտերը, որոնք լիովին համապատասխանում են սույն հայտարարության «Բ. Ներկայացվող հայտի բովանդակությունը» բաժնի պահանջներին:

Առաջարկները պատրաստելիս կարող եք կապ հաստատել հետևյալ հեռախոսահամարով` +374 55 04 05 41 Լուսինե Թադևոսյան: